

QL

QUARTA LINGUA

Il cumenzament da l'onn da rapport è vegnida salvada la radunanza generala da la QL che ha gi lieu per il 50avel giubileum a Laax. Suenter dus onns pandemia hai finalmain puspè dà la chaschun per in inscunter e barat fisic. Uschia è la radunanza vegnida realisada en l'albiert per la giuventetgna a Laax, en il qual sa chatta la "Sutga Rumantscha", quella sutga che la QL ha sustegnì cun ses premi d'accent 2020. Questa sutga multimediala piazzada en la recezziun da la chasa d'albiert per la giuventetgna a Laax promova e sustegna a moda ludica il barat da las culturas e la chapientscha tranter la Svizra rumantscha e las ulteriuras linguas naziunalas. Sco autras uniuns ha era la QL da cumbatter cun la sfida da chattar novas commembras e novs commembers. Perquai vul l'uniun concentrar las forzas per l'avegnir e render attent a sia incumbensa principala per promover la lingua e la cultura rumantscha e quai en spezial en la Bassa.

L'onn passà n'han gi lieu naginas elecziuns da renovaziun.

Correspondentamain a sia incarica da promoziun ha la QL acceptà l'onn da gestiun 2022 ultra da quai las suandantas dumondas ed ha concedì tut en tut ils sequents imports:

- Surselva romantscha, Miu gidonter	CHF	500.—
- Martina Gemassmer, Martina Linn, In tschertscha da mias rischs in chesa Parl	CHF	1000.—
- Sidonia Caviezel e Nina Meyer, Mi'amia, DC Vita	CHF	1000.—
- Ediziun Apart, Benedetto Vignè	CHF	1500.—
- Edition en bas, Denise Mützenber, Aruè, poesia valladra, traduction en français	CHF	1000.—
- Djego Deflorin, Sirius, DC Viva	CHF	1000.—
- Gion Battesta Spescha, Il sault dalla diala	CHF	500.—
- Uniun Travers, Ivo Bärtsch e Gianna Cadonau	CHF	500.—
total	CHF	7000.—

A las sesidas da la Lia Rumantscha «Cussegl da la Lia Rumantscha» a Cuira è sa participà mintgamai Michele Badilatti. A la radunanza da delegadas e delegads da la LR a Donat dals 29 d'october 2022 èn stads preschents Petra Camathias, Leander Etter e Michele Badilatti.

Suprastanza

presidenta Petra Camathias
 Nathalie Killias
 Bettina Vital
 Valeria Badilatti
 Michele Badilatti
 Gion Fry
 Leander Etter
 Otmar Caduff